



Adresa: **Ul. H. Čemerlića 39a**  
71000 Sarajevo  
<http://www.voda.ba>

tel. +387 33 726-444; 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-3-40-492-4/24**  
Datum: **22.11.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica "HIFA" d.o.o. Tešanj za donošenje rješenja o vodnoj dozvoli za ispuštanje tehnoloških otpadnih voda i ispuštanje oborinskih onečišćenih voda sa lokacije objekata benzinske stanice „HIFA“ - P.J. Đurđevik sa pratećim sadržajima i samouslužnom autopraonicom, izgrađene na zemljištu označenom kao k.č. broj: 94/2 K.O. Nevrenča, općina Živinice, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **RJEŠENJE o vodnoj dozvoli**

1. Pravnom licu "HIFA" d.o.o. Tešanj daje se vodna dozvola za ispuštanje tehnoloških otpadnih voda i ispuštanje oborinskih onečišćenih voda sa lokacije objekata benzinske stanice „HIFA“ - P.J. Đurđevik sa pratećim sadržajima i samouslužnom autopraonicom, izgrađene na zemljištu označenom kao k.č. broj: 94/2 K.O. Nevrenča, grad Živinice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
  - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
  - 3.2. Korisnik poslovnog objekta za sve vrijeme trajanja ove vodne dozvole treba obezbijediti da se sve oborinske onečišćene vode sa lokacije predmetne benzinske stanice sa pratećim sadržajima – istakališta, manipulativnih i parking površina nesmetano sakupljaju putem linijskih rešetki, slivnika i kanizacionih cijevi prikupljaju i odvođe do trokomornog betonskog separatora nafte i naftnih derivata, a zatim tako prečišćene vode se preko okna za monitoring ispuštaju u rijeku Gostelju.
  - 3.3. Skladištenje nafte i naftnih derivata za potrebe predmetne benzinske stanice vršiti u podzemnim čeličnim dvoplašnim spremnicima nafte i naftnih derivata ukupnog kapaciteta 150 m<sup>3</sup> i nadzemnim rezervoarima za plin ukupnog kapaciteta 5 m<sup>3</sup> sa pripadajućom armaturom za rukovanje, praćenje i sigurnost rada.
  - 3.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
  - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta u skladu sa Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti

- («Službene novine Federacije BiH», broj 14/10, 14/13, 26/14, 23/17 i 41/20).
- 3.6. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
  - 3.7. Objekte čija je svrha odvođenje i prečišćavanje oborinskih onečišćenih i tehnoloških otpadnih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.  
Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
  - 3.8. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode). Nastali otpad na predmetnoj lokaciji prikupljati i privremeno odlagati u skladu sa važećim propisima o postupanju sa otpadom, a zbrinjavanje istog vršiti putem ovlaštene firme za tu vrstu djelatnosti, prema sklopljenom ugovoru.
  - 3.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
  - 3.10. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
  - 3.11. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
  4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačke 13. i 22, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
  5. U periodu važenja ove vodne dozvole, pravno lice, odnosno korisnik objekta "HIFA", je dužan provoditi sve mjere i aktivnosti propisane istom.
  6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
  7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
  8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
  9. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
  10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
  11. Ova vodna dozvola može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

## Obrazloženje

Pravno lice "HIFA" d.o.o. Tešanj se pismenim putem obratio ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i ispuštanje oborinskih onečišćenih voda sa lokacije objekata benzinske stanice „HIFA” - P.J. Đurđevik sa pratećim sadržajima i samouslužnom autopraonicom, izgrađene na zemljištu označenom kao k.č. broj: 94/2 K.O. Nevrenča, grad Živinice.

U provedenom postupku dostavljena je i pregledana slijedeća dokumentacija:

- Kopija Aktuelnog izvoda iz sudskog registra broj: 043-0-RegZ-24-001913 od 14.06.2024. godine, izdatog od strane Općinskog suda u Zenici;
- Ovjerena kopija Uvjerjenja o poreznoj registraciji izdato 27.01.2017. godine od strane Porezne uprave – Kantonalni ured Zenica;
- Rješenje o vodnoj dozvoli broj: UP-I/25-3-40-562-4/19 od 13.11.2014. godine, izdatog od strane Agencije za vodno područje rijeke Save;
- Rješenje o upotrebnoj dozvoli-dogradnja autopraonice broj: 05-23-477/16 od 25.02.2016 godine, izdatog od strane Službe za prostorno planiranje i komunalne poslove, Općina Živinice;
- Rješenje o odobrenju za građenje – dogradnja autopraonice broj: 05/11-23-3645/15 od 27.11.2015 godine, izdatog od strane Službe za prostorno planiranje i komunalne poslove, Općina Živinice;
- Rješenje o upotrebnoj dozvoli broj: 05/5-23-1038/04 od 19.05.2004 godine, izdatog od strane Službe za stambeno-komunalne i urbanističke poslove, Općina Živinice;
- Izvještaj o monitoringu kvaliteta i kvantiteta otpadnih voda benzinske pumpe i autopraonice HIFA d.o.o. Tešanj – P.J. Đurđevik urađen od strane „Inspekt RGH” d.o.o. Sarajevo pod brojem 1186/24, juni 2024. godine, u Sarajevu;
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-492-2/24 od 01.11.2024. godine i konstatovano slijedeće:

Predmetna benzinska stanica sa pratećim sadržajima smještena je uz magistralni put Sarajevo-Tuzla, na zemljištu označenom kao k.č. broj: 94/2 K.O. Nevrenča, općina Živinice.

U sklopu objekta su smješteni slijedeći sadržaji: samouslužna autopraona, trgovina, kancelarija, sanitarni čvor, nadstrešnica sa dva istočišta, rezervoari za gorivo, parking i manipulativni prostor.

Oborinske onečišćene vode koje nastaju na predmetnoj lokaciji se prikupljaju putem linijskih rešetki, slivnika i kanalizacionim cijevima odvođe do trokomornog betonskog separatora nafte i naftnih derivata, a zatim tako prečišćene vode se preko okna za monitoring ispuštaju u rijeku Gostelju.

Tehnološke otpadne vode koje nastaju od pranja motornih vozila sa predmetne lokacije prikupljaju se putem slivnika sa slivnom rešetkom u taložnik i kanalizacionim cijevima odvođe do trokomornog betonskog separatora nafte i naftnih derivata, a zatim tako prečišćene vode se preko okna za monitoring ispuštaju u rijeku Gostelju.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama, odredbama člana 3. tačka s) i cc) Uredbe o uslovima ispuštanja otpadnih voda u okoliš i sisteme javne kanalizacije i odredbama člana 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata, konstatuje se da je podnosilac zahtjeva ispunio minimum

uslova za izdavanje vodne dozvole za ispuštanje oborinskih onečišćenih i tehnoloških otpadnih voda, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

**Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

Po ovlaštenju  
Rukovodilac sektora za izdavanje  
vodnih akata



Nihad Pezo, dipl.inž.građ.

Dostaviti:

- „HIFA“ d.o.o. Tešanj, ul. Bukva br. 10, 74260 Tešanj
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava